

L'ABC pour les mousses (et les adultes etout) par Geraint Jennings

**A** ch'est pour l'Amour  
Qu'j'avons pour not' Île

**B** ch'est pour lé Bouais.  
Et les bieux frits qu'nou tchil'ye

**C** ch'est pour lé Cat,  
Confortabl'ye au coin d'âtre

**D** ch'est pour l'Docteu  
Tchi opéthe au thiâtre


**E** ch'est pour l'Étaile  
Tchi lit si cliai dans l'ciel

**F** ch'est pour la Fielle  
Tchi craît si vèrte et belle

**G** ch'est pour lé Gardîn,  
Remplyi dé pliantes et bouais

**H** ch'est pour l'Hivé,  
Quand i' fait si froid

**I** ch'est pour l'leau  
Qu'nou vait entouor Jèrri



**Classe 605 - Secondary - Individual - Set Piece - 3rd Years**

**J** ch'est pour Jèrri

Et ch'est ichîn qué j'sis

**K** ch'est pour lé Kangarou

Qu'nou n'vait qu'en Australie

**L** ch'est pour lé Liet:

Nou-s-y dort comme un pourpais

**M** ch'est pour la Maïson

Où'est qu'nou-s-est siez-sé

**N** ch'est pour la Né

Tchi n'tchait qu'rarement siez nous

**O** ch'est pour l'Ouaîsé

Tchi est si p'tit et doux

**P** ch'est pour la Patate

Tchi est, siez nous, Rouoyale

**Q** ch'est pour lé Quétot:

Mais est-i' vraiment sale?

**R** ch'est pour la Reine

Tchi règne sus nous heutheuse

**S** ch'est pour l'Solé

Tchi caûffe nos grèves sablieuses

**T** ch'est pour la Tchaïse

Où'est qu'nou s'aime s'èrposer

**U** ch'est pour l'Us

Qu'nou freunme auve eune clié

**V** ch'est pour la Vaque

Tchi nos donne dé bieu lait

**W** ch'est pour l'Whisky

Qu'aiment les Écossais

**X** ch'est pour l'X-ray

Qu'nou-s'èrchait à l'Hôpita

**Y** ch'est pour l'Yi

Tchi vait tout ch'qu'i' y'a

**Z** ch'est pour lé Zèbre:

Un tchuthieux annima

Tchi finnit l'ABC

Qu'j'espéthe est sîmpl'ye pour té!

Go to the Learn Jèrriais website to find the audio version of these...

[www.learnjerriais.org.je](http://www.learnjerriais.org.je)

